



ԿԱՐԳ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ՆՈՐ ՀԱՃՆ
ՀԱՄԱՅՆՔԻ ՏԱՐԱԾՔՈՒՄ ԱՂԲԱՀԱՆՈՒԹՅԱՆ ԵՎ ՍԱՆԻՏԱՐԱԿԱՆ
ՄԱՔՐՄԱՆ ԻՐԱԿԱՆԱՑՄԱՆ**

ՆՈՐ ՀԱՃՆ 2021 ԹՎԱԿԱՆ

- Սույն կարգը կարգավորում է Նոր Հաճն համայնքի տարածքում աղբահանության և սանիտարական մաքրման հետ կապված հարաբերությունները, սահմանում է գործընթացի կազմակերպման սկզբունքները, աղբահանության վճարը, դրա դրույքաչափերը, վճարողների շրջանակը, նրանց իրավունքներն ու պարտականությունները, վճարման կարգը, պատասխանատվությունը՝ չվճարելու, պարտավորությունները չկատարելու համար:

- Աղբահանության և սանիտարական մաքրման հետ կապված հարաբերությունները կարգավորվում են Հայաստանի Հանրապետության սահմանադրությամբ, <<Աղբահանության և սանիտարական մաքրման մասին>>, <<Տեղական ինքնակառավարման մասին>>, <<Թափոնների մասին>> և <<Տեղական տուրքերի և վճարների մասին>> ՀՀ օրենքներով և իրավական այլ ակտերով:

- <<Աղբահանության և սանիտարական մաքրման մասին>> ՀՀ օրենքից բխող սույն կարգում օգտագործվող հիմնական հասկացություններն են՝

1. **Աղբահանություն**՝ համայնքի տարածքում գոյացող աղբի հավաքում, փոխադրում աղբավայր.

2. **Աղբ**՝ կենցաղային աղբ, ոչ կենցաղային աղբ (արտադրական, շինարարական), խոշոր եզրաչափերի աղբ.

3. **Սանիտարական մաքրում**՝ քաղաքային համայնքի ընդհանուր օգտագործման տարածքների (փողոցների, այգիների, պուրակների, հրապարակների, բակերի, մայթերի, անցումների և ընդհանուր օգտագործման այլ տարածքների) մաքրում՝ աղբից, տերևակույտերից, փոշուց, կենդանիների դիակներից, ճանապարհի երթևեկելի մասերի և մայթերի ջրում, լվացում, մաքրում ձյունից և սառույցից: Համայնքի ընդհանուր օգտագործման համար համապատասխան վայրերում տեղադրված աղբամանների սպասարկում:

4. **Օպերատոր**՝ քաղաքային համայնքի աղբահանություն և (կամ) սանիտարական մաքրման ծառայություններ մատուցող կազմակերպություն կամ անհատ ձեռնարկատեր:

- Աղբահանության և սանիտարական մաքրման հիմնական նպատակներն ու գործընթացի կազմակերպման սկզբունքներն են՝

1. Մարդու առողջության և շրջակա միջավայրի վրա աղբի բացասական (վտանգավոր) ներգործության նվազեցումը և չեզոքացումը.

2. Բնակության համար հարմարավետ և էկոլոգիապես անվտանգ պայմանների ապահովումը.

3. Համայնքի տարածքների աղտոտման, աղբակույտերի առաջացման անթույլատրելիությունը և տարածքների մաքրումը աղբից.

4. Աղբահանության և սանիտարական մաքրման պարտադիր և պարբերաբար իրականացումը սույն կարգով նախատեսված սանիտարական մաքրման սխեմային համապատասխան.

5. Աղբահանության վճարովի լինելը.

6. Օգտագործման ենթակա թափոնների տեսակավորման, օգտագործման ու վերամշակման համար պայմանների ստեղծումը և աղբավայրերում տեղադրվող թափոնների ծավալների նվազեցումը.

7. Աղբահանության և սանիտարական մաքրման վերաբերյալ տեղեկատվության մատչելիության և հանրային իրազեկության ապահովումը քաղաքային համայնքի կողմից.

8. Աղբահանության և սանիտարական մաքրման աշխատանքների մեքենայացումը.

9. Քաղաքային համայնքին հարևան համայնքների հետ համագործակցությունը.

10. Համայնքային բյուջեի հաշվին սանիտարական մաքրման աշխատանքների իրականացումը:

- Աղբահանության և սանիտարական մաքրման աշխատանքների ֆինանսավորումը.

Համայնքի տարածքում իրականացված աղբահանության և սանիտարական մաքրման աշխատանքները ֆինանսավորվում են համայնքի բյուջեից՝ առանձին ծախսային ծրագրով (ծրագրերով) կամ արտաբյուջետային հաշվից:

- Աղբահանության և սանիտարական մաքրման աշխատանքներ իրականացնողը.

1. Համայնքի ավագանու որոշմամբ աղբահանության և սանիտարական մաքրման աշխատանքները քաղաքային համայնքի բյուջեի միջոցների հաշվին իրականացվում է <<Նոր Հաճնի համայնքապետարանի կոմունալ տնտեսություն>> հիմնարկի կողմից:
2. <<Նոր Հաճնի համայնքապետարանի կոմունալ տնտեսություն>> հիմնարկը կարող է իրականացնել խոշոր եզրաչափերի աղբի հավաքումը և փոխադրումը քաղաքային համայնքի ավագանու հաստատած դրույքաչափերին համապատասխան:
3. Իրավաբանական անձը կամ անհատ ձեռնարկատերը, քաղաքային համայնքի ավագանու սահմանած պահանջներին համապատասխան, կարող է իրականացնել շինարարական և խոշոր եզրաչափի աղբի հավաքումը և փոխադրումը՝ աղբի հավաքման և փոխադրման թույլտվության հիման վրա:
4. Աղբի հավաքման և փոխադրման թույլտվություններ կարող են տրամադրվել նաև շինարարական և խոշոր եզրաչափի աղբի աղբահանության վճար վճարողներին՝ աղբն ինքնուրույն հավաքելու և փոխադրելու համար:
5. Աղբի հավաքման և փոխադրման թույլտվությունը տրամադրում է քաղաքային համայնքի ղեկավարը համայնքի ավագանու հաստատած պայմաններով և կարգով:
6. Աղբի հավաքման և փոխադրման թույլտվության տրամադրման պայմանները և կարգը պետք է ուղղված լինեն սույն կարգով նախատեսված նպատակներին և սկզբունքներին, ինչպես նաև սույն կարգով նախատեսված ժամանակացույցին համապատասխան աղբահանության իրականացման ապահովմանը:
7. Աղբի հավաքման և փոխադրման թույլտվությունները տրամադրվում են կոնկրետ աղբահանության վճար վճարողների քանակի համար՝ վճարովի հիմունքներով: Թույլտվությունների համար վճարների դրույքաչափերը սահմանում է ավագանին, որոնք, սակայն, չեն կարող գերազանցել համապատասխան աղբահանության վճար վճարողի կողմից սույն կարգով նախատեսված հաշվարկվելիք դրույքաչափերի 20 տոկոսը:

- Աղբահանության և սանիտարական մաքրման կազմակերպմանը ներկայացվող պահանջները.

Աղբահանությունը և սանիտարական մաքրումը պարտադիր և պարբերաբար իրականացվող աշխատանքներն են՝ օրենսդրությամբ սահմանված սանիտարահիգիենիկ կանոնների և նորմերի պահանջների պահպանմամբ:

- Աղբի հավաքմանը և պահմանը ներկայացվող պահանջները.

1. Կենցաղային աղբը հավաքվում և (կամ) պահվում է քաղաքային համայնքի ընդհանուր օգտագործման տարածքների՝ այդ նպատակով հատուկ սահմանված կամ նախատեսված տեղերում և քաղաքային համայնքի կամ օպերատորի տրամադրած տարողություններում՝ աղբամաններում կամ

կոնտեյներներում, աղբախցերում՝ սահմանված սանիտարահիգիենիկ կանոնների և նորմերի պահանջների պահպանմամբ:

2. Համայնքի ընդհանուր օգտագործման տարածքներում առաջացող աղբի համար քաղաքային համայնքը կամ օպերատորը տեղադրում է աղբամաններ կամ կոնտեյներներ՝ սանիտարահիգիենիկ կանոններին և նորմերին, ինչպես նաև սանիտարական սխեմային համապատասխան:

3. Ոչ կենցաղային աղբը, ինչպես նաև խոշոր եզրաչափերով աղբը հավաքվում և պահվում է աղբահանության վճար վճարողների ձեռք բերած կամ համայնքի, կամ օպերատորի, կամ սույն կարգով նախատեսված անձանց տրամադրած և դրանց համար նախատեսված աղբամաններում կամ կոնտեյներներում, որոնք տեղադրվում են աղբահանության վճար վճարողների համապատասխան տարածքներում: Քաղաքային համայնքը կամ օպերատորը աղբամանները կամ կոնտեյներները աղբահանության համար վճարողների պահանջով կարող է տրամադրել վարձակալության հիմունքներով:

4. Ըստ սույն կարգի, աղբահանության իրականացման նվազագույն ժամանակացույցը, փոխադրմանը ներկայացվող աղբամանների կամ կոնտեյներների տրամադրման վայրերը, դրանց տեսակները և քանակը քաղաքապետի ներկայացմամբ պետք է հաստատի քաղաքային համայնքի ավագանին՝ պահպանելով Հայաստանի Հանրապետության օրենսդրությամբ սահմանված սանիտարահիգիենիկ կանոնները և նորմերի պահանջները: Աղբը պետք է փոխադրվի մինչև կոնտեյներների ամբողջությամբ լցվելը:

5. Արգելվում է աղբը պահել և թափել դրա համար չսահմանված կամ չնախատեսված վայրերում:

6. Աղբի հեռացման ժամային գրաֆիկը ըստ փողոցների և տարածքների կազմվում է <<Նոր Հաճնի համայնքապետարանի կոմունալ տնտեսություն>> հիմնարկի կողմից համաձայնեցվում է համայնքի ղեկավարի և իրազեկվում է բնակչությանը:

- Աղբի փոխադրմանը ներկայացվող պահանջները.

Աղբի փոխադրման իրականացումը պետք է կազմակերպվի՝ նվազագույնի հասցնելով շրջակա միջավայրի աղտոտումը:

- Աղբի տեղադրմանը ներկայացվող պահանջները.

1. Աղբը տեղադրվում է օրենսդրությամբ սահմանված կարգով արտոնագրված աղբավայրերում կամ ենթարկվում է վերամշակման:

2. Աղբավայրերում աղբի տեղադրումն իրականացվում է աղբավայրերի շահագործման և սանիտարահիգիենիկ կանոնների պահանջների պահպանմամբ:

3. Արգելվում է աղբի տեղադրումը դրա համար չնախատեսված վայրերում:

- Քաղաքի սանիտարական մաքրման սխեմային ներկայացվող պահանջները.

1. Քաղաքի սանիտարական մաքրման սխեման պարունակում է հետևյալ հիմնական տարրերը՝ քաղաքային համայնքում առաջացող աղբի ծավալների մոտավոր հաշվարկը, քաղաքի սանիտարական մաքրման աշխատանքների ծավալները, աղբի հավաքման, պահպանման, փոխադրման, տեսակավորման և վնասագերծման ձևերն ու մեթոդները, անհրաժեշտ մեքենա-մեխանիզմներին ներկայացվող պահանջները, սանիտարական մաքրման ենթակա հուշարձանների տեղակայումը:

2. Սանիտարական մաքրման սխեման հաստատում է Նոր Հաճնի համայնքի ավագանին:



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ՆՈՐ ՀԱՃՆ ՀԱՄԱՅՆՔԻ ՍԱՆԻՏԱՐԱԿԱՆ ՄԱՔՐՄԱՆ ՍԽԵՄԱՆ

Նոր Հաճն համայնքում սանիտարական մաքրումը ներառում է ընդհանուր օգտագործման տարածքների (փողոցների, այգիների, պուրակների, հրապարակների, բակերի, մայթերի, կամուրջների, սիզամարգերի և ընդհանուր օգտագործման այլ տարածքների) մաքրումը աղբից, տերևակույտերից, փոշուց, կենդանիների դիակներից:

Փողոցների երթևեկելի մասերի ջրով լվացում, փողոցների, կամուրջների և մայթերի՝ ձյունից և սառույցից մաքրում: Սանիտարական մաքրման աշխատանքները, կապված տարվա եղանակների հետ, իրենց բնույթով և խնդիրներով տարբեր են:

Ամառային մաքրում. Այն իր մեջ ընդգրկում է մաքրման ձեռքի աշխատանքի և մեքենայացված մաքրման տեխնոլոգիաները: Հավաքարարների միջոցով իրականացվող մաքրման ձեռքի աշխատանքի հիմնական նպատակն է սահմանված նորմերին համապատասխան ապահովելու ընդհանուր օգտագործման տարածքներից աղբից, տերևակույտերից, փոշուց, կենդանիների դիակներից մաքրումը և փողոցների երթևեկելի մասերի ջրում-լվացումը՝ բարելավելու միկրոկլիման և նվազեցնել օդի աղտոտվածության աստիճանը: Հավաքարարները մաքրվող տարածքներից աղբը հավաքում են փողոցներում տեղադրված աղբարկղերում, կամ այդ նպատակի համար հատկացված տեղերում՝ կույտերով: Սիզամարգերից մաքրումը կատարվում է ձեռքով մաքրման միջոցով: Մեքենայացված մաքրման խնդիրն է ապահովել փողոցներից աղբի հեռացումը, փոսերի մաքրումը և փողոցների երթևեկելի մասի լվացումը (ջրումը) հատուկ մեքենայի միջոցով:

Ձմեռային մաքրում. Այն իր մեջ ընդգրկում է, փողոցների, մայթերի, հրապարակների մաքրումը ձյունից, մայթերի սառցակալման դեմ աշխատանքները, սառցակույտերի մաքրումը և հեռացումը: Բացի ձյունից, ձմեռային մաքրման դեպքում ապահովվում է փողոցների, մայթերի ու հրապարակների մաքրումը (աղբի մաքրումը և հավաքումը) ձնատեղումների միջև ընկած ժամանակաշրջանում:

ա) Համայնքում առաջացող ամսական աղբի ծավալների մոտավոր հաշվարկով կազմում է 37 տոննա

բ) համայնքում սանիտարական մաքրում իրականացվում է քաղաքի 12 փողոցներում և

3 թաղամասերում՝ ընդգրկելով ողջ քաղաքի տարածքը

գ) աղբահանությունը իրականացվում է ամենօրյա գրաֆիկով, որը աղբատար մեքենաների միջոցով տեղափոխվում է մոտ 8 կմ հեռավորության վրա գտնվող տիպային աղբավայր

դ) աղբի հավաքման աշխատանքները իրականացվում է 3- աղբատար (մեքենաները աղբը տեղափոխում են ծածկոցով ծածկված) և 1-ջրցան մեքենաների միջոցով

h/h	Բակերի, պուրակների ասֆալտապատ տարածքների հասցեն	Ընդհանուր մակերեսը (մ 2	I	II	III	IV	V	VI	VII
1	Տոռոզյան	11400	✓		✓		✓		
2	Չարենց	14960		✓		✓		✓	
3	Թումանյան	6400	✓		✓		✓		
4	Ազատամարտիկներ	7800		✓		✓		✓	
5	Իսահակյան	7700	✓		✓		✓		
6	Շահումյան	5610		✓		✓		✓	
7	Ա.Հարությունյան	3600	✓		✓		✓		
8	Գալի	3300		✓		✓		✓	
9	Սպորտային	3500	✓		✓		✓		
10	Աջափնյա	2400		✓		✓		✓	
11	Զ.Անդրանիկի	3500	✓		✓		✓		
12	«Հաճըն» հուշարձան Թումանյան փողոցին հարող տարածք	900	✓	✓	✓	✓	✓	✓	
13	Շասս-Մուդ-Ղոն	3200	✓		✓		✓		
	Ընդամենը	74270							

ՀԱՇՎԱՐԿ

Նոր Հաճն համայնքում սանիտարական մաքրման ենթակա ընդհանուր օգտագործման տարածքների և առաջացող աղբի ծավալների

Համայնքի ընդհանուր 74270 քառ.մետր ենթակա է ձեռքով և մեքենայական մաքրման Ընդհանուր օգտագործման տարածքներից առաջացող աղբի ծավալները կազմում են՝
ա/ կատարելագործված ծածկույթ ունեցող մայրերի, փողոցների ու հրապարակների մեկ քառ. մետր մակերեսից տարեկան գոյանում է 15կգ ավելվածք,
բ/ սիզամարգերից գոյանում է 5կգ:
Քաղաքի մաքրվող մակերեսից կգոյանա՝
ա/ $66270 \times 0.015 = 994,05 : 12 \times 9 = 745,56$ տոննա աղբ,
գ/ $8000 \times 0.005 = 40 : 12 \times 9 = 30,1$ տոննա աղբ,
Ընդամենը՝ 775,66 տոննա աղբ: